



Georgius Vicelius Vaccensis apud Saxones natus & educatus est. Is cū foelici ingenio esset præditus, literarum studiū elegit, atq; post prima fundamenta iacta sese Vuitebergam contulit, & ibidem in omni genere disciplinarū plurimū profecit. Deinde quoq; Theologiæ incubuit, atq; in talem Theologum euasit, qui postea etiam præstantissimis in Germania fuerit comparatus. Inde relictis Euangelicis Lypsiā contēdit, atq; Georgio principi Saxonie gratissimus fuit. Ibi animum ad scribendum appulit, atq; pro defensione bonorum operum, et de iustificatione librum scripsit. In de enarrationes Euangeliorum & Epistolarū Do-

minicaliū edidit, & Vuitebergenses in editione Bibliorum reprehēdit. Cum autem postea Lypsiā Euangelij doctrinam anno circiter 1540 reciperet, ipse aliquandiu Moguntia & Colonia uixit, atq; hinc inde in publicis Imperij comitijs disputando & conferēdo se talem exhibuit, ut à Carolo Cæsare annuo stipēdio ornaretur, quò liberius studijs uacare, & rebus sacris incumbere posset. Itaq; ex eorū numero fuisse dicitur, qui Anno 1548 in Augustanis comitijs nouam religionis formulam, quam Interim uocarunt, Cæsari petenti obtulerunt. His & huiusmodi studijs, quibus Georgius Catholicos defendere, & Euangelicos reprehendere multis æditis libris solitus fuit, ipse omnibus notissimus factus fuit. Conrad. Lycosth. in